

Naalakkersuisut siulittaasuut

Landsstyreformanden



Inatsisartunut Ilaasortaq Olga P. Berthelsen  
c/o Inatsisartut Allattoqarfiat  
Maani

**Inatsisartunut ilaasortaq Olga P. Berthelsen, Inuit Ataqtigiit, Inatsisartut suleriaasianni § 36, imm. 1 naapertorlugu, Naalakkersuisunut apeqquteqaateqarpoq professor Ole Spiermann-p arlaannaannulluunniit attuumassuteqanngitsumik inatsisitigut misissuinissaanut suliassamut allassimaffimmut tunngatillugu, Kalaallit Nunaanni Naalakkersuisut marloriarlutik kalaallit inatsisaannik tunngaviusumillu inatsimmik unioqqutitsisimanerarlugit pasilliutinut tunngatillugu. Apeqquteqaat matumuuna akissuteqarfigineqassaaq.**

**Naalakkersuisunut apeqqut: Qasigianguani Efterskolimut suliap suliarineqarne-ranut tunngatillugu, immikkut aningaasaliissutinut qinnuteqarnermut atasumik Naalakkersuisut suliamut atatillugu suliarinnissimanerminnut imminnut misissui-sitsiniarnerminnut suna suullu misissugasannorlugit suliakkiissutigivaat?**

(Inatsisartuni ilaasortaq: Olga P. Berthelsen, Inuit Ataqtigiit)

**Akissut:**

Misissuititsinissamut pineqartumut atatillugu suliassat allassimaffiata assilinqarnera, Inatsisartut siulittaasoqarfiannut, Kukkunersiuerimut ataatsimiititaliamut aamma Aningaasaqarnermut ataatsimiititaliap assigiissunik 5. december 2008 allakkani nassiunneqartuni ersittoq ilanngullugu nassiunneqarpoq.

Ilisimatitsissutigisinnaavara professor Ole Spiermann tamatuma kingorna Inatsisartut siulittaasoqarfiannut, Kukkunersiuerimut ataatsimiititaliamut aamma Aningaasaqarnermut ataatsimiititaliamut saaffiginnissuteqarsimammat, taakkua suliamut isummaminnik saqqummiussinisaat periarfissaqartikkumallugu.

Inussiarnersumik inuulluaqqusillunga  
Med venlig hilsen

Hans Enoksen

16. december 2008  
Sags nr.  
2008-014217  
Dok. nr. 122018  
Postboks 1015  
3900 Nuuk  
Oq/tel +299 34 50 00  
Fax +299 32 50 02  
govsec@gh.gl  
www.nanoq.gl